



Public Safety
Canada

Sécurité publique
Canada

Canada



Oushtaniwan il i pat danwzhee pi shasheepishiwawn Kenadaw

Ishpee mayipayiwin nakinikawtaywina ouschi kawschitinamouwin li zord oushtaniwawn pakwatem kiya

Mayipayiwin nakinikawtaywina ouschi kawschitinamouwin li zord ashtaniwan shihkimiwaywina ouschi li moond sa tipayhchikaywin keema awpachistawin pawshkishikaywina keema kootak awpachischikana poor ishkouhk payyek en mwawn. Ooma chikee weechistow chi-nakinihk kawschitinamouwin ouschi kootak awiyek aykwawna sa nakinamawkaywin ouschi tipayhchikaywin pawshkishikaywina keema itouwahk awpachischikana. Pikou awiyek chikee natoutam poor ooma li zord ishi kawschitinikaywin mouhchi outa li koor.

Keeshpin mayipayiwin nakinikawtaywina ouschi kawschitinamouwin li zord oushtaniwan pakwatem kiya, awa li zheus chi-keeshayistem tawnima shihkimiwaywina pikou chi-pimitishahamin maykwawt ooma li tawn. Tapishkoot, awa li zheus chikee natawaystam chi-kenawayistamin lee feeze kootak peeshkaytashtaywin keema chi-kenawayistamin peetoushishi.

Keeshpin namou chi-pimitishahamin oohin shihkimiwaywina keema ihtakwan kenawayihtawkooshiwin li troub, awa li zheus chikee shihkihikaymow aykwawima li

lee feezee achiyow pakitayimouwawn keema outinimawn ouschi li polis poor ishkouhk payyek en mwawn. Mayaw li zord pounipayiwawn, shihkimiwaywina namou akwa awpatanwa. Keeshpik kaw-pakitayistamin kipawshkishikaywina keema lee feezee keema outinimawn ouschi li polis, weepat kamaenkawin.

Keeshpin chi-pimitishahamin li zord shihkihkaymowina pi namou kaw-paykounamin pikou tawnihi lee lway, namou oushihowmakan li krim rekor.

Kaw-kee natoutem ishi li koor chi-ayahk oohin li zord chi-nakinikawtaykihk keespin kaw-itaystamaen namou natawayistakwan. Keeshpin awa li zheus nakinam li zord, oohin shihkimiwaywina namou akwa awpatanwa. Keeshpin kaw-pakitayimouwawn lee feezee keema kee-outinimawn, weepat kamaenkawin.

Shihkimiwaywina kinwaysh ikouhk payyek en mwawn

Li koor chikee ashtaw paystamouwin en zhournee poor kinwaysh nakinikawtaywina ouschi kawschitinamouwin li zord:

- ooma mayipayiwin li zord sa shihkimiwaywina ahkamay ashtaywa ishkouhk paystamouwin poor kinwaysh ikouhk li zord pounistawn
- kaw-kee-keema namou akouta kitayawn poor kinwaysh li zord sa paystamouwin

Keeshpin awa li zheus nakiman mayipayiwin nakinikawtaywina ouschi kawschitinamouwin li zord avawn paystamouwin poor kinwaysh ikouhk li zord kaw-pounistahk, chi-nakiman paystamouwin. Pikou tawnima shihkimiwaywina namou awpatan, pi keeshpin pikou pakitayimouwawn pawshkishikaywina keema lee feezee keema kee-outinimawn, weepat kamaenkawin.

Keeshpin awa li zheus oushtaw kinwaysh ikouhk nakinikawtaywina ouschi kawschitinamouwin li zord, chikee ashtaw neu shihkimiwaywina aykwawnima pikou chi-pimitishahamin. Keeshpin awa li zheus namou ashtaw kinwaysh ikouhk li zord apray paystamouwin, toon mayipayiwin li zord ahkamay ishohk chi-pounipayiwawn.

Poor ayiwawk weehstamakaywin ouschi awn dawnzhee lee lway pi oohin natamoushtawkayhk, kawschiniki mouhchi outa li koor. Kishkayista ayiwawk ouschi “awn dawnzhee” lee lway pi tawnsheeshi chikee weechistow chi-nakinihk pawshkishikaywina li shikaan:

<https://www.canada.ca/red-flag-laws> (<https://canada.ca/lois-drapeaux-rouges>).

Ooma kishkayistamihiwaywin didawn ooma vif weehstamakaywina aykwawnima pimoustatawn ishi (en Michif).

Ooma noukouhtawin meena ihtakwan daw li computer ishi kootaka li lawngaezh itay <https://www.publicsafety.gc.ca/cnt/rsracs/pblctns/rd-flg-elao/index-en.aspx> (<https://www.securitepublique.gc.ca/cnt/rsracs/pblctns/rd-flg-elao/index-fr.aspx>)

(poostashtaw en mwawn pi en awn) Cat. No. PS4-334/4-2025Crg-PDF

ISBN 978-0-660-98378-3